

# In tschercha da sorts da granezza plü resistantas

Peer Schilperoord inavant activ in territori ladin

DA FLURIN ANDRY / ANR

■ D'incuort ha survigni la scienzià Peer Schilperoord chi abita ad Alvagni ün premi per sia lavur a favur da la granezza alpina. In Engiadina e Val Müstair s'ingascha el insenbel cun Padruot Fried per chattar sorts da gran resistantas. «Peer Schilperoord ha prestà i ls ultims ons üna lavur extraordinaria pella champicultura qua in muntogna ed in special pella granezza», disch l'indschegner agronom Padruot Fried da Lavin chi'd es in contact direct cun collegas chi lavuran illas staziuns da retschercha Agroscope Reckenholz (ZH) e Changins (VD). Schilperoord ha tut las plantas, las lingias da sorts da granezza da blers cumüns dal Grischun chi sun conservadas illa banca da gens federala a l'Agroscope Changins. Quista semenza conservada qua esa, sco chi'el disch, da tour mincha desch ons ed implantar e lura darcheu conservar a Changins. «Peer nun ha be implantà tuot quista semenza, el ha cir descrit las qualitads da quella. Uossa vaina üna gronda collecciun da sorts da bod mincha cumün da l'Engiadina, Val Müstair, Grischun central e Surselva chi sun gndas descrittas», declera Fried, «quist grond savid es gni digitalisà per tuot quels chi tscherchan descripciuns da las differentas sorts da granezza». El manzuna ils successs cha Schilperoord ed el han ragunì i ls ultims ons in territori ladin, impustit ün chomps a Ramosch, Scuol, Ftan ed Ardez.

**La sort «Sur En» adattada per far pan** Als scienziats esa grada da chattar uschea üna sort engiadinaisa cul nom «Sur En». Schi's tratta da Sur En d'Ardez o Sur En da Sent nun es, sco cha Padruot Fried disch, cuntschaint. «Id es üna sort da furmiant na uschè lunga schi sta bain in pé



Peer Schilperoord preschainta ad Ardez differents sorts dad üerdi.

FOTO: E. ANDRY

e dà üna farina fich adattada per far pan. Our da mincha furmiant nu's poja nempè far pan, i dà cir sorts da furmiant chi's douvra be per pavar». Il grossist Coop ha surrut quista sort e prodüt l'on passà duinzainas da tonnas da farina da la sort «Sur En». Chi hajan fat ün pan special chi saja gni vendü da primavaira illas filialas dal Coop cir giò la Bassa, s'allegria, e manzuna ün'ulteruora sort da granezza chi ha gni success.

Plü bod gnda implantà in Engiadina suvent sejel. Schi s'implanta però sejel chi

nun es d'origen grischun schi nu surviva quel l'invier. Schilperoord e Fried han selecciunà lingias da sejel plü cuortas, chi stan plü bain in pé e chi sun plü resistantas cunter malatias. «I fa impreschiun a verer cha la sort nomada "Cadri" surviva cir temperaturas fich fridas e cuertas da naiv grossas», manaja l'indschegner agronom e disch cha quista sort gnia uossa multiplichada sün ün chomp in Val Müstair. «Impli ha Schilperoord ed üna seria da quaders davolver las differentas sorts chi vegnan plantadas e cultivadas

süls chomps in muntogna», manzuna Fried, cha quistas publicaziuns sajan adattadas per scoulas, scoulas da paup ed er per agronomes e selecciunaders da differents sorts da granezza.

## Proget da chattar sort dad üerdi per far biera

Ün ulteriuor proget cumünaveil da Schilperoord e Fried es da chattar üna sort üerdi adattada per las relaziuns in muntogna per far biera da Tschlin. «Qua es üerdi da primavaira chi stess esset tempriv e na

avair aint massa bier protein, quai da massa biera s-chima e quai nu vögljan ils bierers», disch Fried. Davo quatter o tschins ons prescrutaziun in tuot il chantun hana chattà üna sort chi s'affa fich bain. Quella sort cun nom «Quench» vain uossa douvrada per far biera a Martina ed a Monstein. «L'unic dischavantag es chi'd es üna sort tardiva, perquai eschna lardervia a chattar üna sort plü tempriva sco p. ex. la sort «Tschivri» chi vain madüra circa duos eivnas e mez avant», declera Fried. Chi'els hajan cruschè perquai las sorts Quench cun Tschivri e tscherchè illa descendenza da quella sorts chi füssan bunas per far biera e tamprivas, conclüda'l, «e cun quel lavur cuntinuaina uossa.»

## Maag-Preis 2016 per Peer Schilperoord

Il scienzià Peer Schilperoord dad Alvagni ha implantà tschients da sorts da granezza illas Alps. El tillas ha descrittas e far er retscherchà da lur istorgia. Sia lavur includenda fich bain es da gronda valur pels paup in muntogna e pels allevatoirs da granezza. Per pudair cultivar novs sorts p. ex. da sejel, furmiant o fierdi tillas stan uossa a disposiziun sorts da granezza chi sun adattadas per las relaziuns alpinas. Per sia lavur complessiva a favur da la champicultura in muntogna es el gntè onür da la fundaziun zürigaisa Lotte + Willi Günthart-Maag cul Dr. Rudolf Maag-Preis 2016 chi'd es dotà cun 15'000 francs. Quella fundaziun surda quel premi minch'on a persunas chi praistan lavur particulara a favur da plantas.